



UNIVERSITÄTS-
BIBLIOTHEK
PADERBORN

Universitätsbibliothek Paderborn

Dissertationes Juridico-Theologicæ De Jure, & Justitia

Karchne, Simon

Augustæ Vindelicorum ; [Graz], 1714

Articulus IV. De obligatione restitutionis ex re aliena.

urn:nbn:de:hbz:466:1-40013



ARTICVLVS QVARTVS.

De obligatione restitutionis ex re aliena possessa.

353 **P**ossessor rei alienæ est, aut bonaæ, aut malæ fidei: quando quis possidet sciens, aut credens rem esse alienam, aut ignorat ignorantiam mortaliter culpabili esse talem, dicitur malæ fidei possessor; si prudenter existimat esse suam, dicitur possessor bonaæ fidei, quam non impedit culpa venialis per n. 173. de utraque hac fide fusè dictum est à n. 171. Præter bonaæ, & malæ fidei possessorem datur possessor fidei du-

biæ, estquæ ille, qui dubitat an res sit aliena, quod dupliciter accidit Primo accipiendo rem cum tali dubio. Secundo post fide bonâ acceptam dubitando an sit aliena. Huc revocatur dubium, quo debitor sit dubius, an solverit debitum, aut commodatarius, vel depositarius dubitat, an sua culpa interierit commodatarius, vel deposita. Idem est de conductor.

S. I.

De restitutione possessoris bonaæ fidei.

354. **F**ructus rei sunt triplices, naturales, industriaes & mixti. Primos gignit natura sine notabili hominis industria, ut herbas in pratis, glandes, nuces, Sylvas cæduas &c. Industriaes sunt qui potissimum adhibito hominis labore, & cura rei alienæ impensa proveniunt, ut lucrum ex alieno instrumento artefacto, negotiatione pecuniaæ, exportatione frumenti alieni ad locum, ubi carius venditur, aut ex furto semine in tuo agro seminato, semen enim irtope mortuum, per se non fructificat, sed vivificatur ab agro, & ideo est potius fructus agri, quam seminis. Mixti sunt, qui pendunt partim à nota-

bili beneficio rei alienæ, partim à notabilis industria humana, ut segetes in alieno fundo natæ ex semine à te injecto, & secundum aliquos. Ut Platell. fructus animalium, lac, lana, in eis enim sustentandis necessaria est notabilis industria.

Adverte tamen bene, quod fructus mixti, quando in ijs in natura prævalent industriae, sint regulandi secundum fructus naturales, quia tunc dicendi sunt simpliciter naturales, quando autem prævalent industria, induant naturam industriae, in dubio autem, quodnam illarum prævaleat, relinquatur in foro externo judicis, in interno autem Con-

confessarij prudentis arbitrio. Censet autem Sanch. L. 2. Moral c. 23. n. 53. Cum Barth. Baldo, Menoch. Covarruu. fructus civiles regulariter industrialibus accensendos, quia magis industria versatur in domibus construendis, locandis, & censibus constituendis. At Haunold. tratt. 3. n. 263. eos distinguit ab industrialibus, quia non sunt propriè fructus, sed loco, ac vice fructuum habentur Leg. usura ff. de usuris, plerosque tamen fructus civiles revocat ad mixtos, ut pensiones rerum locatarum, mercedes servorum, vecturæ navium, jumentorum &c. vocantur autem fructus civiles idcirco, quod fictione juris civilis loco fructuum habeantur.

Dixi plerosque quia usuras ex pecunia aliena revocat ad mere industiales propter L 221. ff. de U. S. Econtra Lugo Disp. 17. n. 40, inter fructus simpliciter naturales reponit animalium foetus, lac, lanam, quia natura prævaler. & n. 50. pretium elocationis domus eisdem accenser.

355. Dicendum est ex universali in Theologia recepta Regula apud Lugo Disp. 17. n. 8. Possessor bona fidei obligatur solum, quam primum commodè potest restituere Domino rem ejus extantem, aut quantum ejus causa sub momentum, quo rescit esse alienam cum debito eam restituendi, factus est certo locupletior. Ratio quia si res extat ad huc habet jus in re Dominus rei, ergo is, apud quem extat habet debitum eandem statim, si potest, restituendi: Si autem in se non extat, ut si est bona fide vendita vel absunta cum emolumento absumptis, ut si tantundem pepercit rebus suis, prouinde est factus dittior Dominus rei habet jus ad rem respectu pretij pro-

re accepti, vel ad id, in quo evasit dittior, hoc enim totum succedit loco rei.

Dixi primò quamprimum commodè potest, quia ab eo tempore non restituens potens restituere incipit possidere mala fide, & formaliter violare jus alterius.

Dixi secundò quantum ejus causa, unde si domi cænando plus insumpserit, quam insumpserit bonâ fide cænando ex furtivis, non tenetur totum valorem suæ cænæ reddere, sed valorem absumptum in cæna furtiva.

Dixi tertio sub tempus quo rescit. Si enim dubitat an sit aliena, aut solùm probabilitè advertit alienam esse, non est obligatio statim reddendi, sed diligenter est veritas indaganda, quâ diligentia præmissâ, si nequit certò constare esse alienam, dubium prudenter deponi potest, & res retineri, cum melior sit possidentis conditio. Deinde etsi patrimonium fuisset autem ante habitare notitiam, si tamen bona fide est absumptum per hoc non est dittior factus tempore, quo cessat fides bona, consequenter cessat obligatio restituendi.

Dixi quartò resciens esse alienam cum debito restituendi: quia etsi resciantur esse aliena, si tamen non advertatur ad obligationem restituendi, cessat obligatio restitutions, etsi res perierit, aut sit absunta circa augmentum suæ substantiæ: nam per n. 174. illationem quartam fides non cessat sine advertentia ad prefatam obligationem.

Dixi quintò factus certo locupletior, nam dubius an sit dittior factus, debetur obligatur in foro utroque propter melior rem possessionis Conditionem, Sanch. L. 2. Mor. c. 23. n. 37, contra aliquos.

Zz 2

356. In-

356. Infero primò fide bonâ donans rem alienam non donatus aliam, si ea careret, ad nihil tenetur, quia ejus causa non est ditor, secùs si occasione donationis à donatario accepisset remuneracionem, hæc enim succedit in vices rei donatae Sanch. n. 30, nempe secundum valorem rei donatae, secùs quoad excessum.

Infero secundò fructus naturales rei spectare ad Dominum, unde fructus agri spectant ad hujus Dominum, et si apud hunc ager defectu culturae nullos tulisset, Lugo n. 40, unde cum fructus pecudum sint simpliciter naturales per n. 354. in fin. pertinent ad Dominum. Eo revocatur etiam pretium elocationis Domus, equi, usus torquis &c. Lugo n. 50. pretium enim hoc est pro usu Domus &c. qui est inseparabilis à domo &c. hinc non est paritas à pretio accepto ex pecunia alienæ negotiatione, ubi verè

actioni tuæ pretium correspondet, secùs elocatione rei alienæ ut dictum.

Infero tertio fructus mere industriales etiam extantes non esse restituendos, sequuntur enim industrias.

Infero quartò fructus mixtos possessor bona fidei detractis expensis debet restituere: fructus enim ut notat Sanch. n. 48, ex jure civili sunt illi, qui ex re frugifera supersunt deductis expensis in ijs excolendis, colligendis, & conservandis fructis: secundum hoc enim sunt, opus naturæ, est contra aliquos apud San. & n. 63, attribuentes possessori bona fidei fructus mixtos, contra quos est aperte Lex certum 22. Cod. de rei vindicatione: certum est, inquit, malæ fidei possessores omnes fructus solere cum ipsa re præstare, bona fidei vero extantes. Unde cum hæc lex codicis sit posterior Legibus in speciem huic illationi repugnabitibus apud Lugo à n. 41. revocat has anteriores, ita Haunold.



§. II.

De restitutione rei malâ, aut dubiâ fide possessæ.

357. Certum est primò Possessorem malæ fidei non teneri restituere fructus mere industriales, sed satisfacere restituzione rei.

Certum est secundò obligari reddere fructus non modo naturales, sed etiam mixtos deductis expensis etiam absumptos, quin ditor evaserit per cit. L. 22, in fine, n. 356.

Dixi absumptos: nam si casu, aut justa hostili incursione pereant àque certo perituti apud Dominum E. g. incendio, aut inundatione, &c. deobligatur eos resarcire, Less. L. 2. c. 12, num. 92, quia Possessor malæ fidei ratione interitus rei, aut fructuum non est causa efficiax damni, quod si pereant incursione hostili injustâ, non excusat à restituzione

tione malæ fidei Possessor, sed hic subit idem onus, quod subiisset ille alius, Lessius cit. Idem onus cum gravat in casu, in quo dubium est, an res, fructusque ejus apud Dominum perijssent, ut si dubiteretur, an eam alienâset ante tempus interitus, quia in dubio melior est conditio innocentis, cit. Less. quia à num. 93. probabiliter liberat à restitu-
tione cum, qui rem certo peritutam ca-
sa, aut justè absunit, intra illud tem-
pus, quo apud Dominum perijset: Do-
minus enim præsumitur tunc non esse
rationabiliter invitus, quia in his cir-
cumstantijs est nullius pretij contra Pa-
laot. 31. p. 24. §. 9.

Quid si manens apud Dominum certò perijset incendio, vel justâ incur-
sione, at tu eam furto surreptam trans-
fers ad locum securum, eamque ibi ab-
sumis, aut tibi furto tollitur, aut post-
quam morosè non restituisti, casu per-
jisset? Respondeo cum Lessio n. 96. fu-
tem debere restituere, quia res eo in
loco non cessat esse Domini secundum
valorem, quem in eo habet, ergo se-
cundum eum restituenda.

Certum est tertio ex n. 355. Eum,
qui bonâ fide possedit, sed postea subor-
to prudenti dubio, an res sit aliena, ob-
ligari sufficienter veritatem inquirere;
justitia enim obligat, ne ullus pericli-
teret in rei suâ amissione ex culpa tua:
Præmesso sufficienti examine, si adhuc du-
bium tolli non potest speculativum, pos-
sessor ad nihil tenetur, non enim laborat
dubio pratico, sed hoc impeditur per
meliorem possessionis Conditionem.

Certum est quartò eum, qui ini-
tio possessionis dubitat, an res sit aliena,
ut si rem emat prudenter dubitando, an

sit factiva debere sub mortali inquirere
veritatem ex Justitia; quia alter habet
jus certum ad aliquam spem circa illam
rem, quâ spe privo illum incipiens pos-
sidere cum eo dubio, nisi veritatem in-
quiram, Lugo Disput. 18. num. 5. Un-
de accipiens rem cum dubio an sit aliena
animo non inquirendi peccat mortali-
ter, debetque rem totam cum fructibus
perceptis restituere ei, à quo accepit:
si cum tali dubio accepit rem b. altero ti-
tulo emptionis, aut donationis, &c. obli-
gatur, ut dictum indigare, si competit non
esse alienam, justè incipit fide bonâ pos-
sidere, si remanet dubium, ut frequen-
ter potest accidere, dum artifices, aug
Mercatores emunt à personis valde suspe-
ctis, hujusmodi emptio, si non est malæ,
saltem est dubiæ fidei, nisi incipiat possi-
dere animo indagandi veritatem; tunc
enim non esse malæ fidei possessorem, at-
que adeo, si res apud eam inculpabiliter
pereat, deobligari restituere tradit Lugo
Disput. 17. n. 82. Sanch. L. 2. Moral.
c. 23 n. 174. Ex hoc tamen non sequitur
eum fore possessorem bonâ fidei, nisi
post præmissum examen formare possit
prudens judicium, quod res sit vendito-
ris per num. 172.

358. An Possessor malæ fidei possit
deducere expensas? Respondeo in fo-
ro conscientie posse necessarias, ac etiam
utiles salvâ substantiâ non auferibiles,
aliâs Dominus fieret locupletior cum ja-
ctura alterius, Lugo à num. 61. Hau-
nold. tratt. 3. à num. 294. Dixi primò
in foro conscientie, quia forum exter-
num potest in pœnam malæ fidei negare
deductionem utilium inseparabilium,
& à fortiori voluntariarum, secùs ne-
cessariarum, aut utilium separabilium,
Z z 3 L. 6.

L. 6. Cod. de Rei vindicat. Dicta pœnacum non sit juris naturalis ante sententiam illam subeundi nulla est obligatio, uti nec temittendi expensas voluntarias, quas ipse Dominus fecisset, fuscus quas nunquam fecisset cum dispendio rei familiaris in rem merè recreationi servientem.

Demum habenda est præ oculis sequens Regula: debitum certum non extinguitur solutione incertâ; jus enim certum alterius inducens debitum urget solutionem certam. Hinc dubius debitor, an solverit debitum, tenetur integrè solvere, Lugo *Disput. 18. à n. 6.* contra Tannerum totaliter deobligantem, quando etiam creditor dubius est de solutione percepta, & contra Laym. *L. 1. tratt. 1. c. 5. §. 4. n. 42.* contentum solutione partis secundum propositionem dubij.

Infertur secundò commodarium, aut depositarium dubium an res commoda, vel depositâ suâ culpâ interierit ad nihil teneri, quia in dubio non præsumitur delictum sine conjecturis fundatibus prudentem præsumptionem, Lugo *num. 14.* contra paucos. Idem dic de conductore rei alienæ: dubius enim an suâ culpâ interierit, manet liber, habetque locum universaliter in omni contractu, immo & in omni debito propter generale principium, quod delicta in dubio non sint præsumenda, *L. merito 51. ff. pro socio.*

Pariter in dubio an cæperis possidere bonâ aut malâ fide, aut dubiâ ex eodem principio nec malâ nec dubiâ præsumitur, nisi judicia fundent contraria præsumptionem Lugo *num. 16.*

ARTICVLVS QVINTVS.

De restitutione ex injusta actione.

359. **C**ommunis Doctorum sensus negat ullum teneri ad restitutionem ex sua omissione, aut actione; absque omni prossus culpa illius præscindendo ab onere rei accepta (de cuius obligatione actum est Articulo precedente) & ab omni contractu, culpa autem *ex num. 145.* est aut Theologica mortalis, vel venialis, hæcque talis ex semiplena aut plena advertentia; aut est juridica divisa in latam, levem, & levissimam. Quid nomine actionis injustæ intelligatur præmisimus *num. 352.* ut fundet obligacionem restitutionis, debet esse formaliter *injusta*, id est, debet imputari suo Authori, atque adeo fieri cum advertentia, quod jus alienum violetur.

Qua-